

LANDSBANKINN HF.


UFS EINKUNN 90 / A3

A1-A3	B1-B3	C1-C3	D
Framúrskarandi	Gott	Miðlungs	Slakt


UFS NIÐURSTÖÐUR

NIÐURSTÖÐUR	Vægi	Stig	Einkunn
Heildareinkunn	100%	90	A3
Umhverfisþættir	10.5%	94	A2
E.1 Visthagkvæmni	4.5%	96	A2
E.2 Umhverfisstjórnun	6%	93	A2
Félagsþættir	24.5%	96	A2
S.1 Mannauður	19.5%	99	A1
S.2 Viðskiptaánægja og tengsl við samfélagið	5%	85	B1
Stjórnarþættir	65%	87	A3
G.1 Almennir stjórnarþættir	10%	94	A2
G.2 Starfshættir og aðfangakeðja	23.5%	90	A3
G.3 Vörur og þjónusta	31.5%	81	B1

UFS EINKUNN



UFS EINKUNNADREIFING



STUTT SAMANTEKT Á NIÐURSTÖÐUM

Landsbankinn fær áfram framúrskarandi einkunn í UFS mati Reitunar og endar með 90 stig af 100 í flokki A3. Sjálfbærni er áfram í hávegum höfð hjá bankanum og vinnur bankinn eftir viðmiðum Sameinuðu þjóðanna um ábyrga bankastarfsemi (UN PRB) ásamt viðmiðum Sameinuðu þjóðanna um ábyrgar fjárfestingar (UN-PRI). Skipurit bankans styður vel við sjálfbærni og eru sjálfbærniupplýsingar hluti af mánaðarlegum kynningum sem fara fyrir bankaráð.

Umhverfisstjórnun bankans er góð og er Landsbankinn fyrsti íslenski bankinn til að fá losunarmarkmið sín, byggð á vísindalegum grunni (SBTi), formlega staðfest. Helstu tækifæri banka liggja í því að draga úr losun frá lána- og eignasafni og Landsbankinn vinnur í áttina að því og hefur t.a.m. birt útreikninga á fjármögnum útblæstri samkvæmt aðferðafræði PCAF. Þá er sérstök áhersla lögð á líffræðilegan fjölbreytileika hjá bankanum og er bankinn aðili að samtökum um þróun bókhalds fyrir líffræðilegan fjölbreytileika (PBAF). Sjálfbærniáhætta er formlega hluti af áhættuvilja bankans sem stjórn ber ábyrgð á og er aðkoma stjórnar og æðstu stjórnenda að umhverfismálum og loftslagstengdri áhættu virk. Landsbankinn býður upp á vörur og þjónustu sem styður við sjálfbærni og tekur tillit til UFS þátta í vörubrúun hjá sér. Þá fylgir bankinn stefnu um ábyrgar lánveitingar, vinnur eftir sjálfbærri fjármálaumgjörð og hefur fjórum sinnum gefið út græn skuldabréf. Horft er til UFS sjálfbærni viðmiða í lánaákvörðunum en ekki er formlegt UFS áhættumat eða eftirfylgni á frammistöðu lántaka. Eignastýring bankans er hjá Landsbréfum, dótturfélagi hans, og stefnir Landsbréf að aðild að viðmiðum um ábyrgar fjárfestingar (PRI) líkt og Landsbankinn hefur gert en óljóst er hvenær það verður. Þá sinnir Landsbréf fjárfestingasjóðnum Eignadreifing sjálfbær, en sá sjóður er flokkaður sem 8. gr. sjóður.

Fjármálaþjónustur á Íslandi starfa undir umfangsmiklu regluverki og eftirliti Fjármálaeftirlits Seðlabanka Íslands. Bankinn stendur vel að upplýsingaöryggi og er vottaður eftir ISO27001 um upplýsingaöryggi. Landsbankinn starfar eftir siðareglum og eru ferlar í kringum það að viðhalda viðskiptasiðferði innan bankans til staðar. Á aðalfundi Landsbankans í apríl 2024 ákvað Bankasýsla ríkisins að skipta út öllum sjö aðalmönnum bankaráðsins í kjölfar ákvörðunar Bankaráðs um að gera skuldbindandi tilboð í allt hlutfé TM trygginga. Áhætta getur falist í að skipta út heilu bankaráði en að svo stöddu hafa þessar breytingar ekki neikvæð áhrif á einkunn. Landsbankinn hefur mótað góða umgjörð um aðfangakeðjuna sína og eru sjálfbærnimælikvarðar hluti af þeirri umgjörð. Tengsl bankans við samfélagið eru áfram sterk og því til stuðnings mælist bankinn efstur í Ánægjuvöginni meðal annarra innlendra viðskiptabanka fimm ára tímabilinu. Þar að auki er vel staðið að mannaúsmálum, sem há starfsánægja og stöðug starfsmannavelta styður. Bankinn er góð fyrirmynd fyrir innlenda markað og fær framúrskarandi einkunn í UFS mati Reitunar.

SAMANBURÐUR VIÐ ÍSLENSKA ÚTGEFENDUR

Landsbankinn hf. er vel fyrir ofan meðaltal í öllum flokkum í samanburði við aðra innlenda útgefendur sem hafa farið í gegnum UFS mat hjá Reitun, en þau eru um 40 talsins. Meðaltal markaðarins sýnir heildareinkunn sem er nú 71 stig af 100 mögulegum, flokkur B2. Landsbankinn endar í flokki A3 ásamt fjórum öðrum rekstraraðilum.

Fyrirvarar

Við gerð þessarar greiningar og mats á umhverfis- og félagsþáttum og stjórnarháttum (UFS), er gengið út frá því að þau gögn og upplýsingar sem Reitun hefur fengið aðgang að til skoðunar séu sannleikanum samkvæmt og ekki liggja fyrir frekari gögn. Hafi Reitun fengið afhent ljósrit af skjölum gengur Reitun út frá því að þau séu í samræmi við frumrit viðkomandi skjala og ekki hafi verið gerðir neindir viðaukar eða breytingar á þeim eftir á. Þá er gengið út frá því að allar undirritanir á skjöl og samninga sem Reitun hefur fengið aðgang að séu réttar og skuldbindandi fyrir félagið.

Þær skoðanir og spár sem hér koma fram eru byggðar á almennum upplýsingum og mögulega trúnaðarupplýsingum sem Reitun hefur undir höndum þegar matið er ritað. Helstu heimildir eru ársskýrslur og ýmis gögn frá þeim aðila sem verið er að meta, spurningalistar, samtöl og fundir auk aðgengilegra opinberra upplýsinga sem birst hafa í fjölmiðlum og á öðrum vettvangi sem félagið telur áreiðanlegar. Reitun ábyrgist þó ekki áreiðanleika eða nákvæmni upplýsinganna og ber enga ábyrgð á áreiðanleika upplýsingaveitna sem stuðst er við. Upplýsingar í umfjöllun eru einungis birtar í upplýsingarskyni og þær ber ekki að skoða sem tilboð á neinn hátt og þær skulu ekki nýttar á þeirri forsendu að um sé að ræða ráðleggingar vegna fjárfestinga í fjármálagerningum. Fjárfestar eru eindregið hvattir til að afla sér sjálfstæðra ráðlegginga eigin ráðgjafa áður en fjárfest er í fjármálagerningum, s.s. vegna lagalegrar eða skattalegrar stöðu sinnar. Reitun og starfsfólk Reitunar bera ekki ábyrgð á viðskiptum sem byggð eru á þeim upplýsingum og skoðunum sem hér eru settar fram

Þrátt fyrir að þess sé sérstaklega gætt að upplýsingarnar séu réttar og nákvæmar þegar þær eru settar fram getur Reitun, eða starfsmenn Reitunar, ekki borið ábyrgð á villum. Mat á upplýsingum endurspeglar skoðanir Reitunar á þeim degi sem þær eru settar fram, en þær geta breyst án fyrirvara. Hvorki Reitun né stjórnendur eða starfsmenn félagsins bera ábyrgð á beinu eða óbeinu tjóni sem hlýst af upplýsingum sem finna má í þessu mati eða dreifingu slíkra upplýsinga.

Sérstök athygli er vakin á því að áætlanir og spár geta breyst fyrirvaralaust á jákvæðan eða neikvæðan hátt og eru háðar utanaðkomandi óvissu og breytum sem gjarnan eru ekki á valdi Reitunar. Reitun og starfsmenn félagsins taka ekki ábyrgð á því ef að UFS mat einstakra útgefanda sem félagið hefur metið og gefið einkunn á breytist. Reitun ábyrgist ekki að gera breytingar á þeim upplýsingum sem birtar eru í skýrslunni ef forsendur þeirra breytast eða ef í ljós kemur að þær eru rangar eða ónákvæmar.

Reitun, starfsmenn Reitunar, stjórnarmenn eða aðilar tengdir Reitun kunna að eiga hagsmuna að gæta varðandi einstök félög sem greiningar, verðmatsskýrslur og annað útgáfuefni Reitunar lýtur að hverju sinni. Hagsmunir kunna að vera ýmsir t.d. sem hluthafar eða ráðgjafar, eða hagsmunir sem lúta að annarri veittri þjónustu. Möguleiki er á að útgefandi verðbréfa sem metin eru greiðir Reitun fyrir þá þjónustu. Öll greiningarvinna eru engu að síður unnin sjálfstætt af Reitun.

Reitun á allan höfundarrétt að upplýsingum í skýrslunni. Óheimilt er með öllu að dreifa þeim upplýsingum sem finna má í matinu eða nýta þær með öðrum hætti án heimildar Reitunar.